

更
生
齋
詩
餘

更生齋詩餘卷一

陽湖洪亮吉著

冰天雪窖詞

主人少喜填詞壯歲後恐妨學輟不復作卽偶一
爲之終歲不過一二首歲戊午自京邸乞假回車
箱無事輒填至數十闕及自塞外回里亦時時作
之遂滿一卷名曰冰天雪窖從其後言之也少日
所作亦不忍棄并裁作一卷附焉機聲燈影詞是
矣

臨江仙

綠鬢學仙愁已晚卽今況復蒼顏天空鳥去不曾還未

知雙蠟屐再入幾名山
半世著書難得了硯臺肯放
清閒酒人相約掩蓬關
臉從花索笑心與石爭頑

憶王孫

涼風吹縱一天星
約伴時時過水亭
說鬼宵深不可聽
掩疎屏小婢齊聲唄佛經

過汀故說愛新涼
躲過前頭姊妹行
私語喃喃已不妨
卻提防移得鸚哥出畫廊

兩重門內忽相逢
一串花香出袖濃
剛賭秋千氣力慵
且從容眼角回青頰轉紅

傷春長自下簾鉤
杏葉扶疎柳葉柔
三月花前雨不休
沒來由私語催人上小樓

滿江紅

陳其年先生填詞圖爲伯恭學士賦

卅載填詞香一瓣敬酬陽羨可可是家山百里畫中頻

見

前曾見先生四十畫像

涉筆偶描秋士影關情別有春風面笑

青衫五十尚沉淪工排遣將振笛先施羈乍展卷仍

安硯仗卿卿壓盡等閒釵釧別夜寂憐天似水當頭吹

落雲成片算個儂風味有誰窺梁閒燕

試問熙朝人物在宋元之右只已未宏詞一榜尤稱

淵藪前輩愛才真似命昇平樂事吾能究趁閒來歌板

兩三聲消清畫竹垞老梅村叟招玉叔攜紅友且不

知秦七何論黃九翦几暫停三寸管新腔已落千人口

羨當年風月寂清華誰能又

雙調江城子 紅豆詞爲禮親王世子作

深秋門巷動涼颺掩關遲雨如絲折得一枝紅豆立多
時天上亦添新別恨人不見渺相思 拈來枝葉影參
差意誰知酒難辭且與梁園賓客譜離詞只有文園消
渴甚賦不到九秋枝

十六字令 初冬

風一夜千林葉墮空開軒望斜月正中峯

減字木蘭花

香濃月淡幾朶露蘭光欲泛行過房櫳福橘栽燈墮小
紅 茶甌清冽留得那年元夜雪說夢聲低偏惹簾前

唐多令

真氣本無前豪情忽欲顛一百番沉醉酣眠亂摘九天
星與斗權當作酒家錢 寥廓約頑仙踏紅雲種田待
秋成歲月三千擬釣六鰲滄海去雖不飽且烹鮮
眼兒嬌

杏花樓上杏花香無語斷人腸千他甚事鶯鶯燕燕兇
盡年光 依然簾幕依然鏡依舊隱斜陽如今再要當
時人面卻費商量

又

嵌心百事總難忘閒處一端評鮑姑紈扇柳孃羅襪謝
姊緜囊 愁多不合住江鄉夢少也干場笙歌元夕鶯

花上已簫鼓端陽

轉應曲

雷鼓雷鼓打過春三四五還虧列闕豐隆催得前村挂
龍龍挂龍挂一幅水鄉圖畫

蝶戀花

時欲乞假南回書示子弟

十二闌干紅半曲桃杏將開一雨先舒萼多分散人真
有福半春好夢無重複卅里迢迢煙艸綠欲望江南
遠樹偏遮日好水好山生計足汝曹莫恨歸期促

賣花聲

春分

艸綠未成茵柳線難勻等閑鶯語幾曾聞只讓杏花同
燕子占盡春分心切望朝暾霧暗連晨關心西北有

征塵日日玉堂天上坐卻是非人

謁金門

誰決策除是劉琨祖逖一事差堪羸越石承平非狎客
又手巡行今夕放眼追思曠昔好友緣儒都入墨寥
寥心孰白

相見歡

黃昏獨下珠簾病恹恹差喜看頭常苦夢常甜 三叉
渡三生路白雲尖惆悵長林斜月影纖纖

鳳棲梧

畢竟春來饒氣勢萬鳥啼春萬夢隨春至惹得玉梅添
意智花開又豈干春事 白袷春衫聞已製輕暖輕寒

春轉無倫次何是與秋非一致春人只把情懷試

滿江紅

譚子愛英雄兒女圖

大纛高牙問此是誰家年少只亘亘倚天長劍勢將離
鞞千里偶追流電影萬金顧買傾城笑算渠儂二十五
年前堪同調且緩緩金樽倒更艸艸離愁攪看車前
努目急思投効兒女情懷何者是丈夫志業誰能料問
卿卿何日定天山紅旗報

菩薩蠻

玉皇宮殿高無極東西龍虎更番直天上事偏多仙人
鬢亦皤麻姑空一笑偶自舒長爪搯破碧桃花花光

照萬家

減蘭 寄舍弟

吾家阿弟先我一年辭
帝里玉版銀鱗飽啖江南二
月春 小桃開落穩坐卷
施東畔閣應念衰翁騎馬朝

朝冒朔風

應天長 直廬卽事

構巢招得雙鵲鶴
激水養成千屬玉
長林麓橫溪曲卻
向此中開竹屋
閑官殊不俗
所喜更無拘束
昨賜萬條官燭寫
三朝要錄

江南好 時將乞假南回作此寄里中親舊

鄉園夢昨已到雲溪
生小樓臺三徧換
柳邊門巷亦全
非新綠浸簾衣

鄉園夢昨已到花橋對舫乍憐詩社歇

陸禪生每與丁叔候兄弟及兒

子節孫等聯吟時並遠出

隔河添得酒旗飄燈火徹清宵

鄉園夢昨到檣舟亭小港蓄魚橋半圯荒庵燒筍戶全

扁僧老厭繙經

鄉園夢昨到放生池煙柳綠交楊令宅

楊大令西河宅在池側水

雲碧捲謝家祠清景待題詩

鄉園夢昨到驛樓前障眼市塵高百尺關心鄉語別經

年真個說歸田

鄉園夢昨到石橋村高隼欲盤雲外塔神魚時拜竹間

墳松子積臺門

鄉園夢阿弟屢邀呼新築水亭招社燕別營山冢葬童

烏

猶子明男近場

作達且提壺

鄉園夢好友遞將迎木杪軒中搜逸句竹初庵內誼長生奇論尚縱橫

鄉園夢外舍寂依依榆莢綠迷穿徑水薔薇紅隱上樓梯花發子規啼

鄉園夢羣從亦翩翩坐我小樓敲句好輪卿長日枕書眠屋外水周天

前調

抵江南境作

江南地一碧已無塵小市雨晴初試馬長隄星暗乍逢人猶剩一分春

江南月不厭徹宵看無奈乍圓還乍缺未妨輕暖與輕

寒長凭玉闌干

江南岸。屈曲漾蘭橈。舊事乍思情。漢漢夜程初急。雨瀟瀟已過驛西橋。

江南艇。鴻瀾與同飛。待得柳稍殘。月出水禽蹤跡已全。迷留得夜烏啼。

江南屋低小。只如船一樹。存櫺初吐艷。團更銀燭尚高。然隱隱笛聲穿。

江南路。從此遂幽尋。韓偓艷詞容。寄意陽城下。考亦堪心別念。撫孤琴。

江南夢日。昨已全醒。黃卷誤人頭。欲白綠楊窺客。眼猶青閣小戶。仍扁。

江南客天末溯歸蹤漁唱便須蘆笛和芰衣仍待柳絲
縫鷗鷺且從容

江南侶說著已銷魂松栢徑中尋舊友鵝鴿原上指新
墳尤歎此衰門

江南節屈指已天中絲柳乍青蒲葉綠楊梅初紫杏花
紅水淺試雙龍

虞美人

黃昏獨坐闌干左竹葉深深鎖橫陳玉體見何曾知道
紅窗六月不燒燈夢中嚙語愁人覺小婢都辭卻無
聊長自睡曹騰懊惱一鈎殘月鬢邊升

江城子

生疎廊屋幾曾經意恹惺步伶仃偏是半邊團扇有流
螢縱向曲闌深處躲防照見一星星

紅闌干外路三千病癡癡說當年贏得半生憔悴半生
眠只有畫籠鸚鵡好渾不記有從前

采桑子

別來已覺無情緒放了風箏過了清明總向閒門冷巷
行 何時約畧三春夢多比流螢少比疎星春睡曹騰
白晝醒

轉應曲

天上天上誰把兩丸安放東西滄海漫漫出沒真如轉
丸丸轉丸轉天也有時不管

明鏡明鏡看了有時仍聽吉祥善事多般頓覺愁顏喜
歡歡喜歡喜儂與鏡兒知己

春夢春夢誰向小窗分送夢中說夢尤疑身外分身絕
奇奇絕奇絕魂共燭花凝結

千里千里只在離人足底別來吳苑花香又復燕臺夜
涼涼夜涼夜酒薄衾單多謝

虞美人

人人愛說芳菲節更愛團圓月箇儂心事獨嬌憨卻喜
花看春半月初三長安道上金貂集青紫客人拾到
來生怕說頭銜只戀年時憔悴舊青衫

昭君怨

原是一般年紀可可算他作弟記得小名無衆中呼
入夜畫樓先鎖百計要將人縶何意學生踈上頭初

柳梢青

纔睹千秋又邀鬥艸且漫藏鈎衆裏聰明箇中機警格
外溫柔日斜剛下粧樓招女伴更番出遊鳳尾墩邊
鵝毛洲上龍嘴灘頭

西江月

夢裏鶯花繚繞愁中風雨廉纖一般時節症懨懨相對
燭花呵欠小膽疑聞鬼語細心時卜神籤病兒生怕
不增添百計把人排陷

減字木蘭花

乍談心曲何事小名呼小玉彈指年華未比梅花比杏
花 最憐同調八字果然生剋肖判與他生自有麻姑
肯玉成

蝶戀花

閒日偶從妝閣偵聞說驚鴻險被袁宗聘私語又防人
竊聽團團只指隨身鏡 情短情長何自定除了今生
更把來生訂一晌遲疑還未應喃喃只說心腸硬

酷相思

贈俠士

日晚黃塵都似織徙倚徧樓南北便四海無家歸未得
一劍也千金直一騎也千金直 耻向人前稱羽客况
肯談天釋任醉眼昏昏青轉白天上也誰相識地上也

誰相識

醉春風

好把春衣換更舉離觴勸眼前誰可寄相思
算算算指上先掄心頭久嵌口中難喚合是人天眷莫更情懷
亂個儂只怕太酸寒看看看爾許年華這回風格那般
詞翰

羅敷媚

年來情事誰能識神也瞞他佛也瞞他小婢依微道着
些無端兩地難牽合心在誰家身在誰家夢裏時愁
去路賒

又

秋千架下分頭走
姊住東谿妹住西谿
只望秋千影不
迷
更闌重到秋千下
月也低迷露也低迷
畫索斜拋
烏夜啼

長相思

風蕭蕭雨蕭蕭
窗裏無人響
玉簫紗燈壁上搖
夢無
聊醒無聊窗外
荷珠落亂跳
游魚蹴浪高

木蘭花慢

秋夜重
愁闌飄書
屋示蔣
二振三

只闌飄書屋仍一片
挂斜陽
算杏已摧紅
蘭先殞
紫桂
尚杼黃
愔愔那邊門
巷歎
簾衣何短
艸何長
百徧欲尋
歸燕幾番試問
寒蛩
十年羣從半淪亡
頭白剩蕭郎
縱見了桃根尋他
菱角也費猜
詳
平時枕書眠處
是何

人重與攏繩床酒醒佛燈藏幔夢回鬼語沿廊

又太湖縱眺

眼中何所有三萬頃太湖寬縱蛟虎縱橫龍魚出沒也
把綸竿林威丈人何在約空中同凭玉闌干薄醉正愁
消渴洞庭山橋都酸更殘黑霧杳漫漫激電閃流丸
有上界神仙乘風來往問我平安思量要栽黃竹只平
鋪海水幾時乾歸路欲尋鐵甕望中隄落銀盤

念奴嬌

生日柬西家

半秋纔過不多時到了初三新月八字雙飛胡蝶好生
與菊花同日剛欲題糕仍邀說餅且把書聲歇齊肩齊
歲那人先占佳節猶記七夕樓頭穿鍼簾底腰瘦頻

頻折知道個儂勤頂禮偏喚小名何必笑鬢方開愁眉
更歛梁燕防饒舌燈花解事雙雙紅蕊偷結

菩薩蠻

贈俠客

偶然來預朱門宴身輕只比梁閒燕驀地出人頭燈前
尚閃眸一腔填恨血七首懷中熱座客酒遲乾先防
冷眼者

木蘭花慢

已未中秋內城
南池寓舍作

歎八年此夜移八處看陰晴算幾載持衡雨番入直一
度歸耕西風欲催人老趁乍寒刮得鬢星星已被月中
人笑從今莫更多情依然薄醉擁桃笙如水玉階平
只三十年前境難依約夢不分明沉思那回塵劫把深

杯都向夜臺傾一例碧虛解事半宵霞采橫生

臨江山

恭纂高宗純皇帝實錄第一分進
呈擬欲乞假南下偶此書事

人說綠簾青箬好可容仍殿朝班玉堂官燭影闌珊昨
朝書已奏明日棹當還天上樓臺曾小住明湖如
帶回環夜涼偏欲夢鄉關屋前雙疊港屋後一堆山

琴調相思引

歸燕

一樣樓臺夕照昏杳無心緒入朱門欲飛還止銜得舊
時恩差喜故巢同海上好春仍得話溫存倘逢精衛
可許代招魂

減字木蘭花

夜涼人定正好明心同見性一縷茶煙透到梅花小閣

邊 休休莫莫夢好正嫌無着落與我周旋莫鬥眉梢
眼角禪

滿江紅

贈崔三嫂生

十八年前相見在謝家庭院驚一揖玉梅花底與花同
顛葛塢東西山水窟劉綱夫婦神仙眷便匆匆從宦向
湖頭湖冰泮 茗甞上頻開讌荆郢路頻傳箭只悠悠
七載幾曾謀 面蔥嶺南頭時入夢蒜山北下仍相見歎
人生聚散總無端空中電

昭君怨

苦雨

窗隙與誰同坐咒雨鷓鴣兩箇兜起卅年愁舊南樓
暫向曲屏高臥夢又把人顛毀睡覺夜燈青影伶仃

滿庭芳

雨窗簡蔣
振三昆仲

撇卻千山行完萬水偶來茅屋勾留又教聽雨日日捲
簾鉤畢竟誰人過訪三兩客兼雜鳴鳩門扁響奚奴睡
熟親爲點茶甌 颼颼風乍急紙窗搖動無異扁舟擬
乘流徑去隨分清遊東海波臣尚笑曾見汝大漠西頭
祁連冢何時築就埋骨此荒丘

念奴嬌

元夕醉中復至
城東懋異宮樓

餘生何意孽蠻牋重寫孝侯風土醉我百杯元夕酒更
聽一堂簫鼓我醉還歌歌仍引滿說盡邊亭苦妻孥雨
泣昨年投界豺虎 殘夜出戶聞行城門東去彌望多
平楚一領綠囊收拾好恰稱瀟湖漁父踏曲歸來兒童

指我眉目皆飛舞爲言此客與樓與月千古

前調

錢竹初松菊猶存圖

十年歸計只剛剛長就滿籬松菊買得半園工位置儘
可賞心娛目忽悟浮生因求大藥并禮西天竺回頭自
望鬢毛鏡裏先禿 差幸服食祈年迷途未遠末路仍
堪贖莫待扁盧俱束手醫雅難于醫俗一逕香清一簾
花好一味茶初熟這回休誤白駒頭上行速

因而自省笑先生曷不工于責已萬里歸來行樂好何
以埋頭不起幾尺牙簽三分燈影一寸書堆几蠹魚規
客先生今盍休矣 倘冀後世名乎三唐兩漢試問誰
堪擬況是傳人皆有命不朽古來能幾文仿淵雲經研

鄭賈詩筆還蘇李君應誚我愚公愚更無比

沁園春

喜趙味辛乞假歸里卽送之
青州司馬新任依原調二首

司馬江州從事青州頭銜若斯歎機庭綸閣鳳池遠奪
治中別駕驥足安施竿上綠魚磨中旋蟻可是先生宦
興詩呼驕問儘才堪令僕汝好爲之 雖然樂已難支
只白髮高堂健飯時算阿奴祿祿無慙令弟深源咄咄
尚有佳兒跨鳳清才乘鸞仙客君諸壻皆有才名都唱徵雲山
抹詞掀髯笑趁唐灣風月且倒金卮

三十年前稱詩少年惟君不狂看元卿三徑招邀二仲

謂黃仲則

宏農別館款接他楊

楊介社蔚之元之叔姪
少時過從寂密西廡則

系出山陰故
以他楊例之

陌上班騅堤邊畫舫新樣蠻箋古錦囊今

消歇已半登鬼錄半下名場
別來萬里投荒幸絕域
初歸鬢乍蒼便依然花鳥何時索笑依然樓閣何地頌
腸蔥嶺煙雲祁連冰雪夢裏都憐徹骨涼君知我是愁
多易老

恩重難償

金縷曲

題萬大令廉山請纓圖圖作于大令年十五時
後二十年大令隨畢秋帆尚書姜杜香侍郎勳

辰州紅苗
寂著勞績

此客真先識趁升平時時留覽九邊阨塞試問請纓何
太早髮正垂垂覆額天下事引爲已責手理韜鈴仍躍
馬果湖湘陟建非常績勳勦徧壺頭石 丈夫自信饒
奇策況生平服膺所在劉琨祖逖如許少年能十輩分

置楚南川北談笑盡荏苒之澤只我感

恩思効死便歸耕尚枕投荒戟隨爾去殺殘賊

鷓鴣天

秋杪雲
溪曉望

谿光未是廿年先一樣闌干到眼前風急萬鴉爭古木

露寒獨鶴舞長天

情漠漠淚綿綿舊家仍倚白雲邊

尋春去問堂前柳破夢來穿渡下煙

滿江紅

中秋夕雨

窮海歸來正盼望此年此夜還準擬半宵燈市半宵水

榭三徑久甍風伯掃萬錢欲向天公借更持螯左手右

持盃人閒暇

雲驟暗重簾罅雷驟起層檐下忽蕭蕭

瑟瑟瓦溝如瀉移樹鵲驚巢乍圮走橋人嬾粧先卸歎

街泥滑處約良朋稱多謝

西江月

九月初七日
雨窗遣悶

門外愁霖似潑帳中清淚同揮一年多事上心來不飲
已防先醉 明歲重陽何處去年此夕方歸人言死別
復生回今日正當周歲

鵲橋仙

日斜時候日斜年紀又是日斜風味斷腸言語不須多
况正值斷腸天氣 前宵牢記昨宵牢記此夜更須牢
記半生竅怕說銷魂敢再到銷魂田地

江城子

柳絲南北罩通津水波勻月痕新卻到晏公祠畔暫逡

東坡先生詩集卷一
十五
巡偏是畫船紅燭影頻照見夢中身

又

播錢堂上記還真是穠春是花晨依約別來如影復如
塵安得學他雙燕子來與去不隨人

壺中天

和女史歸佩珊韵卽
寄介叔方伯伊犁

從天試問恁詞華只付掃眉才子百歲含愁容易過經
得幾番彈指未盡名心先拋世味且復營書史回看海
水比來清淺如此 猶憶絕塞歸來君家癡叔憔悴何
能死寥落雁鴻千萬里幾寄阿兄數紙并說中閨尤憐
嬌女詩思清如水比來相見怪他風味都似

又贈僧鐵舟

浮生如夢記念念滬瀆城邊小別石爛海枯重握手相
對各驚華髮瓶鉢隨身才名蓋世詩畫書三絕鋼經百
鍊鐵舟果否如鐵 今日短簿祠前長洲苑外客路將
鋪雪一領袈裟渾欲破賣字依然得活極目天南關心
鄉國鞞鼓聲纔歇何時飛渡醉眠黃雀樓月

僧漢陽人

浣溪紗

病後般般總率真見時故故不溫存已教銷盡昨宵魂
開士心情居退院美人顏色賦長門年來偏重過時

人

鷓鴣天

百罰深杯總不辭忽從酒半透徵詞前房阿母都瞞卻

只許青溪小妹知 重攬鏡更添衣衆中偏覺語支離
不知天上頻攜手故說人間會面稀

臨江仙

六月二十日詣學宮觀諸生釋菜并登尊經閣遠望

憶向校官稱弟子春秋祀屢追陪仲丁六十又三回舊
題名已暗明倫堂有進士舉貢題名余皆預焉親爲拂塵埃 尋徧講堂
兼學舍兩株列栢誰栽尊經高閣暫時開青衫皆後進
紫燕亦新來

浪淘沙

壬戌中秋夜起望月不見時在洋川書院

纔歇雨冥濛月甚朦朧玉堦處處有吟蟲咫尺好山都
不見說是秋中 少壯去如風老尚飄蓬別家還喜住

江東金粟玉簪開已徧閒卻簾櫳

舍間廳事側多此二花

蘇幕遮

醉題焦山
月波臺

屋禪關樓法界十仞高臺更在危樓外奇氣尚能除百
怪穩坐蒲團且受江豚拜 舉杯避吟句快乞篆題繚
總仗孤僧介一日已償詩畫債興來不學前人派

瀟湘夜雨

注秀才次玉屬題夜意圖時余悼
亡日近與君同病發率賦此寄意

悟徹前因銷磨塵劫又來樓上孤眠微黃燈影鏡臺偏
聲慘慘寺鐘初動光黯黯簾幕斜褰無聊境我方匝月
君已三年 兩愁相校望夫山外愁更堪憐只投荒歸
口病正纏綿渾欲訴金戈鐵馬念誰禁激管哀絃忘情
好他時同穴百歲鎮隨肩

八聲甘州

夢亡婦

向空房盡處及燈昏缺月影橫陳算傷離感逝殘冬既
爾何況經春打疊半牀衾枕時爲拂纖塵奩鏡都安好
與照歸魂畢竟瞞卿何事只夜臺相值問尚殷勤歎
襄王孤館久已斷行雲想關于東西十二便夢回總欲
一周巡梅花句從今不賦防要含翠

前調

常熟訪吳祠部竹橋賦贈

又匆匆扶醉入山城雪意釀寒更算玉芝堂朽赤崖閣
圮紅豆莊傾今日劍門吾谷都已屬先生壓徧江南北
壇坵崢嶸川弟頭銜一品但才名艷絕似遜難兄羨
盈門弟子分日門心兵更傳聞量才尺好隔絳帷親授
與雲英憑誰有平生奇福來入詩盟

小重山

夢不分明醒可憐
小樓簾半卷
月初弦
喘聲低緩
髻斜偏
朦朧坐
誤認卜金錢
衾薄忍添綿
舊曾揮淚處
錦仍鮮
擁來都恨夜
如年無暇客
今轉羨長眠

如夢令

十三日侵曉
過碧浪湖

龍氣出波冉冉
鴻鴻鷺絲皆明
海日未升時
幾片斷霞
如斯休喊休喊
驚破一羣鵝膽

剩得曉星數顆
芒角出同諫
果尚未破天池水碧
盡將魚裏孤坐
孤坐千尺浪中一我

菩薩蠻

十四夜過
南河鎮

高高下下游鱗繞
侵人不已侵巢鳥
一碧作魚天空明

不起煙 東西樓似織出水高千尺玉手盡垂空長廊
接斷虹

減字木蘭花

十五日五鼓
過平望湖

偶開窗扇破曙鵲聲波上亂百頃湖光捲上先生六尺
牀 雪花難集倔強水蟲多不蟄落月闌團東海魚龍
尚愛看

昭君怨

吳江道
中夜行

惹得夜烏難住萬點鬼燐穿樹似復有人行散如星
鴻鴻鷺鷥絲屬玉齊傍水仙祠宿宵半忽爭鳴學巡更

清平樂

湖中
迷道

風風雨雨且向前湖去欲問來船船不遇進退總愁無

據 忽然香氣縱橫半空舉手將迎岳瀆貴神抗禮算
來只有書生

浣溪紗

萬頃橋

萬頃湖頭萬頃橋雨叢煙柳共飄搖水從天外綠周遭
宿火照將鴻雁暝曉霞烘得鷺絲驕是誰來伴客無

聊

鳳樓梧

戊子秋杪至虞山赴邵先生苟慈之喪時亮吉
結納甫三日今復以事來遊則距悼亡日甚近

也感而

賦此

憶昔來遊才合卺新婦三朝尚向紗帷隱小別乍歸爲
整鬢對人言語尤奇窘 三十三年真轉瞬未比松筠
早向深秋殞紅豆莊前紅淚隕回途魂已銷將盡

虞美人

寶帶橋

蒲帆過盡危橋百徑縱無千尺便將蠅螬屈成梁只惜
都無寶帶一般長 泠泠橋外光如電雲朶裁成片頃
傳三萬六千寬聞說眞仙不數放漁竿

憶秦娥

殘冬甚暖夏蟲
並出感而賦此

羊裘熱營營案上蠅聲出蠅聲出醉螿當澆凍魚須徹
煤逋藥債都應逼商量艸艸營除夕營除夕年年其

命此年獨活

清平樂

孫解元子滿屬
題雙紅豆卷子

夢回永晝滿地春光皺半領綠衫花氣透胡蝶趁香來
真 文窗特與丁寧東風格外垂青欲配一雙紅豆除

非天上雙星

浪淘沙

夢入小紅扉
露灑簾衣鏡奩殘
月影微微偏是獨眠人
帳外胡蝶雙飛
小膽更多疑
怕踏層梯盡屏深處認
依稀七尺紫檀香案上
誰共扶乩

前調

斜照鬼門關
落日鑿環夜臺可有望夫山
生怕瘦魂扶
不上添箇紅闌
推枕前初殘
朱淚斑斑寒宵何止夢
能還地下若無埋恨處
仍到人閒

十六字令

拚歷徧長廊耐曉寒
梅花瘦不厭百回看

聽一雁寥寥下遠汀
荒寒境月黑鬼燈青

休斷送春人不上樓
三更夢和月挂簾鉤

遲已是踈鐘報曉時
山禽影蔽蔽落高枝

念奴嬌

未至常熟四十
里值大風雨

三更向盡忽驚呼
飛去蓋頭竹笠
鐵馬金戈聲乍沸
波峭半篙難入絕壑
魚龍陰厓神鬼空
處通呼吸推蓬起
望一湖湖水全立
只有卅里遙程
前舟顛簸側搶回
須急病羽樓頭
秋蟲砌下纔復
商量蟹愁人無
寐殘宵短夢千摺

水調歌頭

自吳江常熟回
舟欲至婁上作

性既不談釋又不學
神仙半生纔一彈指
何苦慕長年

卿自理髮地下我欲寄愁天上索醉向雲閒自有十洲
客供我入方錢 胥江口雪溪畔尚湖邊回頭三十三
載舊事散如煙昔日蘆簾紙閣今日梅花紙帳清冷耐
孤眠短夢乍回處殘月影床前

前調

偶厭玉虛住屈作世閒人人生誰最快意良夜與良辰
我欲花開地下更使水流天上耳目一番新倘荷化工
允寧懼俗流嗔 又誰願朝列闕叩羣真百年三萬多
日臥足幾回伸九野分鋪列宿五岳填平四海從此罷
揚塵萬事等閒耳無鬼亦無神

點絳脣

題折枝
圖贈友

遠恨新愁半春已覺難消受海棠花瘦鵲鴛雙雙咒

十二紅闌春氣應全透關心否鶯前燕後定有人垂手

賣花聲

過三义河
贈練塘僧

洲樣亦如瓜淺泊江沙二分月已透窗紗留得雪泥鴻
爪影都爲梅花稍遠市樓譁港到三峯山僧親爲煮
山茶白髮一龕忘世久與證年華

浣溪紗

梨花和金
手山秀才

一棹春遊蘇小家紅紅紫紫信方賒玉闌干外幾枝斜
仙子衣裳原縞素美人顏色本空花淡雲流水證年

華

望江南

過京口訪際佩香
女史率成二首

忘世事只有杜蘭香
焚得一爐煙未燼
萬帆門外去來

忙吟客鬢都蒼

淒冷處招得女生徒

女徒股姓其姊爲故尚書和琳側室琳死姊以身殉其妹流落無歸

因依佩香以居

桃李盛時顏未莫
海山佳處語模糊
猶憶故尚

書

更生齋詩餘卷二

陽湖洪亮

機聲燈影詞

蝶戀花

題畫

絲雨絲煙湖上道
夢裏年華深淺誰知道
天上玉梅開過了
又教人世東風早
春事及今偏艸艸有分披
圓月與花枝小
歛立數峯吟句峭
乾坤分半輪
裏抱

鷓鴣天

學畫敲詩興轉闌
更從花裏響銅環
雕籠出語偏生脆
翻遣鸚哥課小蠻
顏冷落致闌珊
萬重密意總相關
鄰家姊妹邀同坐
說夢先消春畫闌

點絳脣 春病

隔箇紅窻強將八字排來看自憐魂斷欲把他生算

支枕應難且復憑詩案誰相伴喘聲低緩虧得鸚哥喚

風入松

題春山
獨往園

翛然一境迥難攀幾家人住谿灣踈籬敗壁憑誰補借
亭亭隔岸青山小史亂頭粗服先生雨笠雲衫生綃
忽破酒人顏清夢置其閒谿塘正好營高閣待他時風
月人還仲蔚蓬蒿須補劉安鷄犬都刪

醜奴兒令

海棠小院春深見一响難描千種無聊容易將人挂眼
梢低徊不解傷春句一卷離騷纖手難拋自把蠅頭

小字鈔

紅林擒近

紅錦香猶淺白開春正長睡起懶無事鬢花碍釵梁春
衫攜來早皺呼小婢熨沉香屈指挑菜年光待畫艇尋
芳麗句傳鸚母名絲繡雁娘妝樓無事鏡邊更展縹
緗算傷春未敢閒愁無據背人私自禱海棠

點絳脣

送春

又是春殘海棠花外游絲亂淚珠成串待把年光換
惜別匆匆鎮倚閒庭院闌干畔綠愁紅怨約畧傷春券

漁家傲

題陳野
航畫竹

午餘睡起茶初熟一竿愛寫玲瓏玉葉葉枝枝濃淡各

還須屬三更窗外秋聲莫
娟娟穩稱輕綃薄圖成好
置闌干角待得晚涼新雨足
天如沐月痕倒挂梢頭綠
酒泉子

驀地行來一樹好花離地出
雕闌排玉砌陟瓊臺
四
更玉笛聲三弄
肩上露華堆重與雲飛
隨月上逐風回

探春令

題侍女
屏風

晚妝初罷怯春寒
約伴花閒步正一縷愁來無著處
把
十三絃偷訴
玉簫斜倚林閒路
想個儂丰度到宵深
霜月空濛錯認作梅花幾樹

醉桃源

前題

薰風池閣簾微亞
日暖豪華偷卸
行到綠沉窻下一樹

榴花謝 滿樽蒲酒人初暇
結伴消他長夏采戲又還
輪卻些事關心者

紅窻聽

前題

一院飛花空白晝
看結束春弓閒走隄畔
盈盈堆絮厚
覩得鞦韆帮瘦
簾幕深深垂錦繡
闌干外總燒金獸
昨宵霜冷今宵風驟
屈指剛三九

買陂塘

適錢孝廉樹川
鸚鵡媒傳奇

爲多情青衫血淚
生生判向愁老冰絃
誰把傷心譜
又早別懷縈擾幽會
巧君不見茫茫碧落
相思鳥芳心寸
拗待密約重圓愁
盟暗續一一淚珠繳
銷魂處我亦
青鸞信杳年來暗損
懷抱江南江北傷春
恨付與斷腸

衰艸辜負了是舊日金釵鈿盒情多少閒愁待掃又一
兩三聲無端逗起清夢隔簾悄

河瀆神

迷藏

游戲共登壇窄靴小袖衣單身輕總欲避遮攔空裏時
時指彈同是曲欄何處躲慧心先向偏左女伴盡皆
藏過百忙何苦薰我

清平樂

楊花凭早不待春歸了可惜玉人渾未曉逗點與他知
道畫長人倦敲詩畫屏一枕閒支睡覺數聲搏黍消
他春日遲遲

點絳脣

花事關心東風吹到荼蘼架燕兒多謝
祝得春成夏
不放春歸斜日
簾微亞秋千
下游絲無賴
又向荷錢惹
鵲橋仙

玉鉤響斷玉簫聲斷更苦玉人音斷
清明上巳總無聊
欲飛去晴江南岸
小園春半小窗月半
尤喜小樓天
半黃鶯紫燕不曾來
只蟬螻與人作伴

望江南

幽夢破斜倚小紅樓
又是卷簾人不見
滿街絲雨兩糝春
愁綠暗幾重流

昭君怨

江行

帶得綠簑鐵笛
消受短篷秋月
帆影入江流
小于鷗

目極楚天遙，
旬潮接海門。
如線一點着林梢，
是金焦。

減字木蘭花

垂垂一樹曾見，
個儂珍重處，
已分成陰頭。
白蕭郎恐不
禁，
還憐飛絮，
一樣東風飄泊去。
郎已沾泥，
莫趁流鶯
是處飛。

相見歡

夢中作

無端踏卻輕鷗，
甚清遊夢裏。
居然東海向西流，
雲中
屨風中，
纔不能收。
幸喜天鷄初叫，
始回頭。

一叢花

林禽喚我作春遊，
煙景逼南州。
藍輿御處，
幽吟好尋僧。
話又引閒愁，
無事衙盃有山埋骨。
此外總悠悠，
消沉。

白了少年頭青鏡惜風流江山勝處余歸也等幾度白
玉成樓悟徹孤花彫殘心字春總不如秋

青玉案

十三夜
玩月

東風又把細梅染看靜裏簾斜捲追取十年前事轉亭
涼月暗漏深花滿兩兩傷春券如今細雨沿門糝幾
陣落紅愁欲浣鐵笛五更吹更慘任他風雨任他憔悴
再也無人管

千秋歲

瓶梅

春來心性花與人同命香未拆愁先迸一枝聊供汝五
夜誰相訊最好是百花頭上慊慊病 晝永寒先警骨
冷魂尤勁花總謝香難並幾絲芳意織一瓣心香永拚

得是閉門風雨無人省

買坡塘

邵二雲姚江歸棹圖

黯然歸一肩行李春風不遣人住姚江雙漿悠悠去去
也更休回顧天意苦要汝是名山夜雨成千古功名射
虎只亘亘平生才皆中下李蔡豈君伍當年事千佛
名經曾數一枝原最高處衫青袍紫都閑物惹我酒閒
起舞君莫誤君尚有數椽茅屋秋風浦萍蹤語汝恐又
引先生酒闌燈爇清泪滴殘炷

天仙子

溪上鷺絲忙報客玉人遣透春消息怔忡相送已嫌遲
無可說祇相憶門外瀟湖千頃碧

蝶戀花

落梅

白首紅江開未止一擲孤標卽此飄零始如此人生剛
半世問年一樣輪餘子入夜春愁爲剪紙屬汝重來
休昧初來旨多分柔魂猶在水五更吟斷梅花詠

又

窗外游絲空復漾十見花殘那得人無恙莫向酒闌矜
跌宕春風已把飛瓊葬花未開時愁已釀寄語桃根
春到休輕放人世有情還有障招魂供汝青綾帳
賣花聲

獨客正思家到曉啼鴉灑窻寒雨又如麻不放南枝開
到好春有些差客裏事堪嗟似錦年華幾人紅泪隔

窻紗燕子平生眞恨事不見梅花

倦尋芳

春星

寂寥銀闕怪底瓊妃媵他數個三五春宵可許玉階同
坐人說高寒應讓汝九重天上還難妥咲風詩只咏到
衾裯被他喚做深也知我殷勤看爾駐向樓頭幾番難
過錦樣連錢例被風吹墮仙掌夜過恹暗摘月盤露
冷愁輕簾寄新詩先問汝點頭也麼

荷葉杯

病到幾番委頓誰問曲闌旁畫眉頻喚不能住猜是甚
心腸

蝶戀花

啼鴉和
作則

艸繡平堤花繡樹如此江南隻影堪飛度畢竟塵情猶未悟雨晴簾角聞呼侶倚樹鷓鴣爭笑汝三度營巢依舊無家住幾日酒痕兼墨污樓頭催澣春袍袴

前題

鷓鴣

莫向天涯棲苦竹只遇啼鶯歸計須頻屬望帝愁魂魂已續此閒樂亦應思蜀何事啼聲常傍屋解喚哥哥引起春人獨花到黃陵千度落這回尚憶詩人谷

憶秦娥

春時節春人住處春光別春光別膩紅花朵膩黃新月濛濛膩綠千條結樓梯欲上愁三折愁三折文簫聲動剪刀聲歇

柳梢青

新柳次高東井韻

向曉層巒將煙做霧釀雨成寒鬢綠衫青眉長眼瘦于
女何干 一枝折了重看怪徹底春愁總諳柳宿前身
萍花再世我亦差堪

沁園春

題萬黍雜詩
籌握象圖

儒林傳耶貨殖傳耶君因併書嘆百不如人一籌還展
斗嘗九誤些乎都輸業可拋經讀空從律且把蒼生經
濟儲他年看看致君事了更累錙銖 滿盤算了還虛
怕仰屋他年更苦劬只田從玉局須求陽羨家從杜牧
更創吾廬我謂先生歸謀之婦料理牀頭阿堵鋪先生
笑有五銖七幣盡往觀乎

摘得新

難得來休教到便回
屋頭雙喜鵲
徘徊紅窗故啄墮
青梅勸銜杯

玉珥墜金環

晝永窻虛嫩寒
先把花朝做幾番
凝恨上重樓樓
又教人鎖長自雨
篩風簸把春陰當
成功課
沉思往事判盡
浮名換他真個
寂寞深園小桃也
肯留人坐
細拈春夢寫
春愁夢又將人躲
知道枕衾孤臥
算風光幾曾到
我年華誤盡到了
今番更教難安

東風第一枝

桃花

團汨成花搓煙做骨
商量不遣春瘦
幾番醉了重蘇
依

然十三時候前塵誤汝應一例向風回首笑無端占了
珠簾背放玉以垂手只花也憐人非舊問此度探春
何後顰錢堂上重來不似那時清畫芳心易逗算薄命
承供人豈待拈他花崇緘來付汝一春消受

八聲甘州

又西風吹雨土空樓點點雜更聲正涼隨雁至宵同燭
永夢與年更十二鏡雲何處江館聽吹笙多分樓前約
不記啼鶯一半塵封玉鎖看碧紗籠處墨雨縱橫只
蠻箋消息何事苦難憑想蕭郎傷春恁遠料夢魂逗不
上銀屏須知我青衫泪濕不爲滯名

南鄉子

自雲溪放舟
至青山莊

藥王廟晏公祠北關剛值午晴時
三折米程欣已到都
贊好門外水田門內沼

花塢曲月廊周半塘煙雨幾時收
百步小橋隨鶴過思
久坐翡翠北軒晴日墮

長亭怨慢

蟹

猛霜風漸肥郭索是處橙香薦他黃玉記得年時酒徒
醉月小樓曲深盃浮綠隄地向天公祝臣願把浮名都
付與蟹螯添足 稻熟漸燈明深港糝破一溪寒綠鱸
魚便美怎占得九秋名目第一是左手須閒怕明日故
人相速只紫蛤紅螺風味幾堪作僕

金縷曲

寒夜重光齋頭看秋海棠因言前曾于花下掘
得古觀發之儼內妝宮嬪也余感其事因併賦

之嬪蓋齊梁
時宮人云

燭冷人初醒正虛廊角聲吹徹商聲又警籬落寒花開
自好露點欲斜仍整粧慘淡玉人微病不向春園誇勝
事伴艸根菜甲三秋永其下有波如鏡 千年舊事思
量猛被西風吹將世換泪珠紅併一半齊梁遺蹟在漠
漠土花填井待說與古懷誰省落月微黃天乍曙向關
干逗出銷魂影重認取劫灰冷

玉燭新

窺簾新月小卻數柔花枝照人寒峭新詩寄與雙環巧
故把幽期漏了文鴛堆枕密意取夜香薰好又早是玉
漏星星門前乳鴉啼曉 紅箋袖與殷勤只此恨平分

幾時堪繳歸期及早重到也不是玉簫年少萍浮絮裊
試逗點與他知道須記取錦瑟年華暗中易老

鶯啼序

關神武廟後有隙地里人別
構諸葛忠武祠落成謹賦

丞相祠堂看古栢陰陰翠繞重來處一瓣名香空裡晴
綵自裊黃石兵書吾懶讀青田洞府愁難到只先生志
業今古幾人同調憑高回首炎精中燼天意殊難曉
聞說定軍山下翠羽靈旗山昏月黑鼓聲猶惱陰平貽
悞夔門敗踵滿盤都錯何須說更譙周黃皓知幾早相
隣壯繆遺祠未了忠心此時重表茲地當年紫髯虎
踞更周郎年少柰江山數著殘棋着手便教輸了把荆
梁十郡名區輸織屨小兒坐嘯尚躊躇北定中原南清

江島當途高也往日紛紛割據算曹瞞尤狡匹馬過
秦中早鷄筍全拋虎鬚重燎巾幗謀臣彈棊胄子一揮
羽扇愁俱倒只遺恨在五原秋艸十年深計擬將赤帝
關河重藉手還高廟

法駕導引

補赤城韓夫人詞

天上樂天上樂博戲更藏鈎怪底燭龍呼不醒兩丸日
月覆金甌螢火照清秋

雲漠漠雲漠漠飛渡赤城梁摘取列星歸北斗倒傾銀
漢入西江天闕費平章

銀漢畔銀漢畔織女起高樓玉作簾衣花作座海雲爲
佩月爲堯縹緲坐牽牛

借勝侶借勝侶仙閣坐虛無一賦玉樓猶未竟人間甲
子總模糊長爪比麻姑

點絳脣

次黃仲則韵

尺五荒墳小桃一樹傷心艷寄將花片沒個人兒便
芳艸多情引他歸騎尋教遍模糊見月殘如線霧隱傷
春面

如夢令

簾外日遲風簸簾內粉消香澆未慣是樽蒲輪了更拋
金鎖還我還我莫被小鬟猜破

摸魚兒

清風亭故址

又斜陽晚林一抹天空飛破歸鳥危亭瓦遍蓬蒿徑咫

尺謝家山到吟未了算好景如前好句還輸賦初三月
早看一縷吟魂寒鴉爭瘦逗去碧波小 當年事此地
放歌孤嘯狂來幾側烏帽詩名天地成何補身後一椽
誰保吟愈峭把長句風前漫博先生笑思君欲老怕騎
鶴還來此間亭上留得醉中州

青玉案

過凌波
臺故址

凌波臺剩荒基也雨洗石苔侵瓦到日短衣尋客話庚
郎年少衆中爭羨不醉看盤馬 孤城隄築寒山辨城
裏猶聞暮潮打休怪客愁容易惹那邊人語者邊雁叫
月照荒荒野

減爾

聞遊采石早起披衣看曙色不敢窺簷烏鵲南枝夢正
甜酒衫芒屨二十男兒工跳躍一縷吟魂先向風前
逗早春

金縷曲

清風亭
夢李白

天與人俱老又何爲一千年後此閒憑弔一半江山歸
李白一半分還謝朓我到也祇餘衰艸畢竟微軀容易
盡覓些須身後名纔好勤打疊零星藁青衫百計供
人笑只悠悠非公知我恨和誰告金粟前身真小劫墮
作五湖年少有夢也不離蓬島猛憶人生何者是只浮
雲偶寄孤飛鳥殘夢破余歸了

前調

再次汪
劍潭韻

花是明朝放只萋萋滿城芳艸已供凝望多病年時誰
付與綠酒紅愁同量且小立雨中惆悵若許鶯花還再
世拉春人早向春風葬簾蒜揭心旌蕩樓高總伴閒
雲上有當年鏡盟衫誓遂懷琴況可惜韶光都健在春
到也須微恙莫輸與個儂門巷我比絮泥心更定背天
桃穩坐青綾帳塵夢覺釵鈿響

前調

蠟屐嫌疎放任些時殘紅剩紫幾曾凝望廿載可憐青
鬢改江水未勝愁量春付與別人惆悵我慕蠹魚能再
死趁餘香好伴殘編葬渾未管流鶯蕩聽歌人在青
雲上只年時招邀勝侶尚牽游泥杜牧揚州人已換只

有月還無恙，照慘慘幾家門。巷尺五桃潭，三徑艸辨心。
香供汝，青綾帳添一綫春潮響。

前調

倒次汪
劍潭韵

夢遠金鈴響，正無聊紅窻睡足，倚帷牽帳，羅襪閒行，花
露重，頗怯曉風深巷。渾悟到玉人春恙，薄酒多愁，眠易
醒，問樓高更有何情況。梯隱約難重上。傷春早怕春
飄蕩，把泥金書成梵字，伴花同葬。一例有情，應解取花
也對人惆悵。已開滿十分春量。此度見花，應背面誤人。
人簾底，三年望屬來歲，休輕放。

醉花陰

爲孫大和婦
王采薇韵

日午翹塵何處避，斷粉零紅且自由。天地三十年華愁。

也未不回頭負春入意。情到九原須更記骨冷灰飛
灰冷情還膩幽夢壓簾魂壓被醉醒怕沒絲兒氣

浪淘沙

路遠小樓低花朵分飛依然銜恨上重梯何止舊人尋
不見梁燕都非愁裏闌窗扉殘月剛西畫簾風破鏡
臺欹只有曲屏風六扇猶罩羅衣

點絳脣

門外歸來一窻好夢非無據筆床茶具且復安排預
強自支持鬼病終難愈誰來覩藥爐煙畔只有風飄絮

憶王孫

山坳池閣水邊樓一雨銀塘便覺秋長日無人掉小舟

水分流胡蝶開來立鵲頭

青玉案

算來未到銷魂地偏是識愁滋味欲寫紅箋珍重寄隨
肩小妹隨身小婢多恐難回避 幔垂不放通花氣又
早早斜陽把門閉莫道文窗蹤跡祕黃鶯紫燕畫眉百
舌箇箇知人意

浣溪沙 二首

玉腕偏憐金釧寬鳳釵頻撥獸煙寒萬重心事壓闌干
杜牧已留來世約蕭郎不作路人看雖然猶覺恨無

端

前調

背面難禁萬種愁見時無語只凝眸初陽一綫下簾鉤
百計未能通一語暫時曾許共扁舟淚痕和露咽心
頭

傷春怨

刺浴

七首飛將過到處人頭疑墮日昨詣叢祠土偶居然離
坐旋空中如磨電影終難挫驚地指晴空一道采虹
中破

金縷曲

僮窺園從予八年矣體弱善病今年秋試被落忽
爾辭去念事傷離不能無作命沽酒歌此調以送之
衣薄還如紙皎淒涼前宵瑁璫今宵送爾八載追隨無

別事傷病傷離傷死總誤爾胡飢飲水苦訪蟲魚摩象
籀但論才爾便成佳士休更作朱門使無家我共僧
居寺只蕭蕭寒雲丙舍尚堪南指入夢總從吾父母醒
處怕逢妻子况薄命久無人齒明日出門誰念我就飄
蓬斷梗商行止爾去矣淚流駛

前調

重九日陶然亭作

車馬長安道有誰憐中秋雨暗重陽花少尺五開亭三
徑柳亭徑尚餘秋艸更難得紅塵似掃半舫斜陽新月
影借團蒲穩夢仙人島算懷抱此時好玉山莫向壚
前倒只空囊俸錢難假酒錢輸了門外鍾聲催客去衣
上薄寒蒲峭料理是舖糟代飽無數樓臺凝醉眼訝離

頭果大星辰小歸尚有未棲鳥

前調

釐得前詞泣不
恣去復成此闕

暗裏驚聞泣一聲聲無端惹我青衫又濕多病經句誰
得似欲共候蟲秋蟄爾似燕舊巢還入典盡衣裘頰擁
絮更同扶瘦影當風立渾不怕霜華襲入年侍我肩
差及笑囊空新詩屢付傭錢未給費爾一杯村落酒爲
我解除狂習說月好今宵初十樓上三更雲氣淨看星
辰如豆天如笠吟正遠催歸急

青玉案

十一日同人
飲長安酒樓

臨街樓上冷冷語醪味薄催添精一院酒人揮不去持
螯手冷潑醅顏熱繞著遙吟句臨街樓外踈踈樹已

覺秋聲落無數一院酒人招不住來時天慘去時月暗
繞著城徒步

憶秦娥

寄季仇

鍾已動一聲破我長安夢長安夢世情未了鬢絲先種
書乍捧故人遲我華陽洞華陽洞丹沙填壙碧山成
豕

浣溪紗

薄暝微醺枕酒瓢病心一縷逐風搖夢無來歷入鴉巢
初八夜星還照曉十三涼月卻終宵瘦魂尤避出林

鴈

買坡塘

送繆公子筮
莊至江浦

趁霜風沿林飛徧巢荒去住無據雁聲卻有東歸信切
莫更留征羽淒燕語道千里回來千里應同去霜鴻未
許算我願隨陽卿尤避熱各自歎羈旅 天涯路來日
風風雨雨別離頓起愁緒江南兄弟誰能健羨爾雁行
有序須記取只紫塞重逢可識前時侶天空欲舉穩待
爾重來春風三月共看滿林絮

漁家傲

宣武坊前清酒美多錢約客誰來會日午闌窻人似海
孤劍在萬金難買心無愧 畢竟浮名猶可待少年莫
學呈身銳鼎鼎百年君誤再棺已蓋幾時贖取從頭悔

一萼紅

龔孝廉克一寓居晉陽庵側因
屬余顏其齊日聞鐘并係以詞

傍禪關構閒亭似舫四面啟疎櫺十五良宵一雙人影
三千里外鐘聲有多少春人心事柰秋窻黃葉已先零
借了菰團緜殘梵頁悟徹鐙檠我亦能來聽此只青
衫似夢百倍淒清苦竹疎蘆幽花淡艸此身如在江城
况惹起寒蟲鳴砌又丁丁蓮漏滴殘更待得蕭齋響寂
人語還生

摸魚子

龔克一邀遊夕照庵
卽展其令弟紫樹墳

正無衣墟頭索醉油車忽引君到愁中天氣還如霧咫尺
遠山舒眺煙柳道算怕是逢人只是逢僧好無多落
照但挂近禪房和將夕磬便有暮雅叫荆高市酒人
一樣潦倒塵沙埋盡年少江干舊侶今誰在癸巳秋子
與劍潭紫

樹同客姑孰
至宣城始別
可惜龔生竟
天渾未料看
冠蓋如雲更
有
閒人弔高原
古廟但肯費
茶瓜時時欸
客我輩不須
召
荷葉杯
自夕照虛步
至萬柳塘

三里望中依約樓角亭館太荒蕪萬株楊柳一行無風
急戰菰蘆
林際黑歸一片雅點隔寺暮鐘聞寂寥城
上去閉雲雲薄帶斜曛

小重山

舊日紅闌已作新玉蘭花滿樹曬春裙經過燕子亦嫌
貧呢喃語故故入西鄰
寂寞掩重門小樓三面暗曷
斜曛屏風吹淨十年塵中還有兩小舊啼痕

謁金門

送龔曉升南歸卽題
其長松片石行幃

歸亦得卷裏天青雲白不誤今宵歸計決誤前時爲客
屋三閒醒夢適何止長松岸石七十五峯晴愔愔在
先生窻隙

梧桐影

將至仙遊潭迷路

馬獨來南山麓厓上石樓繞一閒推門且抱神龕宿
玉女泉清無極雲外木魚聲不停三更月向東峯直

臨江仙

溪山秋曉卷子

十里空濛雲外水水雲光隱回汀寂無人處小舟行到
來谿館冷秋燕語分明渾異踏青前度至滿坡花氣
將迎剩他幾樹綠無情四更山曙早紅葉點疎星

蘇幕遮

寒禽枯木卷子

綠初離紅乍失白釀層雲黃澹初升日空裏數聲禽語
切似說宵寒約畧明朝雪凍絲黏冰綫結莫折高枝
恐有東風出轉向竹梢深處歇玲瓏石愛蓬山骨

臨江仙

蘇

紅鶴谿山鷓鴣館金閨從古繁華三分樓閣二分花一
分留隙地隨分種桑麻海物新奇爭入市晨餐都厭
魚蝦等閒吳語六時譁笙歌叢作隊脂粉瀉成洼

玉樓春

園空膽小愁無侶錦幕時時風欲舉生憎梁燕不歸來
銜得徑泥何處去玉更又是瀟瀟雨剩得燈光毒幾
聚小樓西畔窗無人一片落花浮鬼語

點絳脣

傳粉攤書視旁小匣先安鏡梅花同命瘦到年時影

小別生疎問語都愁應更初定爲憐春病偷向床頭省
好事近

抱處恍如無奈小語心尤怯夢裏有誰知覺紅上雙雙
頰三更碧月淡紗帷涼把重衾壓欲訴二年情事和
淚開吟篋

金縷曲

元夕柳子
廟道中作

綠鬢還如舊又依然長隄風細碧空雲皺艸艸柴門元
夜到催送斷腸時候幸濁酒數杯還殼愁欲成癡眠轉
醒怕相思一夕人天瘦欹枕處淚痕透樓高往日長

垂袖摘疎枝殷勤記取柳邊花
右分半紅窻堆卷軸多
付個儂消愛渾可惜此生難
又欲倩雪衣爲懺悔更煩
他百舌聲聲咒春夢破月如畫

霜天曉角

讀天寶遺事

開元政倦無逸圖先換頰到秋來羽扇無多日賢臣竄
軍威晚更相煽羯奴先兆亂河北河南皆叛何須責哥
舒翰

河湟使典宰相居然忝天子更思康
詈還應惜無人薦
小傳箭出郊甸馬蹏軍又變啟霧堂
開朕儻休尊怨長
生殿

臨江仙

八月十一夜雲
縹晚步有感

猶記石橋橋畔路，死生離別匆匆。綠波搖月去如風。唾
痕都作血，岸柳不曾紅。留得一行臨別語，幾生重得
相逢。夜臺沒箇寄書鴻。廿年如夢過，來聽渡頭鐘。

減字臨江仙

十二夜步
月葛仙橋

十日秋陰情緒減，乍眠卻喜新晴。紅牆千尺月華生。水
明鏡暗依約，卷簾聲。谿口寂寥尋渡少，酒徒多分飄
零。柳絲笑客眼猶青。好天涼夜，祇剩一人行。

烏夜啼

十三夜

水邊門掩重重，海棠紅不信者。般顏色墮西風。相扶
醉相偎，睡意惺忪。正好一鐙私語伴秋蟲。

中年一種情牽病，慊慊欲借舊家樓。閣新當年黃庭

卷丹爐畔學飛仙留得一絲兒恨未生天

小冲山

十四夜無月
三更後微雨

一種閒情那得知乍眠還又起出門遲秋鐙替月已多
時三橋走衣袂雨絲絲空外影參差西風吹不斷柳
絲兒呢他燕子說相思還生怕燕子笑人癡

滿江紅

十五夜
坐雨

百事輸人祇贏得幾番沉醉又苦是甯燈替月秋霖成
歲說餅齋拋荒徑外采淩舟冷青溪內倚闌干聽雨到
更殘何曾睡風轉處枝枝背檐漏處鸞聲碎只無端
兜起舊愁無柰白玉盤埋雲慘淡黃金花買秋憔悴
蠻牋題恨寄花前花垂淚

八月圓

十六日顧唐橋步月

昨宵細雨沿門慘深巷掩重扉繞砌寒蟲滿廊歸燕秋
思依依 今宵暢好橋邊樓上人月雙輝曉漏將殘夜
烏啼徹直自忘歸

醉太平

十七夜庭桂甚開鄰人復有
貽秋葵野菊者獨飲偶賦

葵芳菊芳蜂忙蝶忙小庭節近重陽是秋花總黃
疎枝貼窻濃陰滿廊人閒月午清涼比天邊更香

金縷曲

送唐大令
周之嶠縣任

衣上春雲起記征程錢唐到日好花開矣兄領三州君
作縣穩稱陸家難弟只手版也須隨例昨夢越江東去
好是紅塵不到天光脈官事少看山未 京華往日曾

聯騎憶匆匆斜陽古道柳絲同繫丁未春借君及孫淵如計借北上一

幅東風吹上了兩兩金門高第偏剩得杜陵書記捉鼻

功名知不免笑他時我亦神仙吏輪一著早曾計

巖坡塘送莊舍人植三南歸並寄蔣太守星使趙舍人德生莊進士葆琛

又惜騰幾番煙月東風吹過年少寂寥三徑尋遊侶只

有阿蒙還小忘不了是當日曾經擲果蘭陵道一官亦

好看衣桁簪花佩囊橐筆渾稱此風貌夷門路金尊

昨日顛倒天涯尚未生艸同來恁不同將去撓亂數句

懷抱歸正巧算剪韭烹葵煮筍都堪飽寄聲短趙更瘦

蔣風流癯莊編藉相憶令人老

虞美人二十夜楊孝廉敬之招集瞻光館晉桂

艸元亭在雲溪北暇日能邀客寂寥深院倒金尊添得
幾絲疎雨易黃昏廿年前記題詩處花壓闌干住故
人多半起雲霄只我閒居尚赴小山招

南歌子

古州道中

似柳應同韻疑花未解羞慣拋白足上危樓喜折連枝
果葉插人頭生熟居然異形聲迥不侔怪來行立總
如猴拗得脆蛇寸寸啖同遊生苗有能啖蛇者

人月圓

黎平試院作

蠻中三月春光好新雨又新晴纔離豚水仍盤獅嶺又
抵黎平 昨宵上巳今辰寒食來日清明釀碧成蒼催
紅做綠有甚心情

浣溪絃

揚太守席上看牡丹作

雲作簾衣絮作塵
向前還有幾多春
艷陽天氣說生辰
圓比十五將望月
嬌如三月上鬟人
晚蘭香味玉精神

神

又杏花

一晌花枝欲上樓
東風先爲揭簾鉤
和煙和露搭床頭
百五時光容易過
十三年紀不知愁
初陽籬落悄疑眸

菩薩蠻

洪縣道中贈譚上舍子愛

青泉落處紅雲碎
馬啼亂踏林聲脆
山裏繞淇泉
愁無
青竹竿
遲行雖數里
已覺陰聲起
知我欲回車
來朝

度曲徐

桂殿秋

飯已熟忽呼茶滿盤堆得雨前芽
茗杯到手復揮去獨自開簾看杏華

三字令

天上月枕邊來似追陪香一盒貯玫瑰
綉珠蘭和玉蕊髻旁堆羅幕外燕疑猜
蝶徘徊鐘已歇漏仍催婢媵龐窗隙報渚蓮開